

MONITORI

i Sfidës së Mijëvjeçarit për Shqipërinë



USAID
NGA POPULLI AMERIKAN

BULETIN INFORMATIV DYMUJOR
Numri #2 Mars – Prill 2007

Marrëveshja dyvjeçare e Pragut të Sfidës së Mijëvjeçarit me vlerë 13.85 milion dollarë mes Qeverisë së Shqipërisë dhe Korporatës së Sfidës së Mijëvjeçarit (MCC, www.mcc.gov), e cila administrohet nga USAID, ndihmon qeverinë shqiptare në reformimin dhe modernizimin e administratës timore, prokurimeve publike dhe regjistrimin e biznesit, duke ofruar zgjidhje të TI dhe përmirësimë legjislative.

ZHVILLIMET LEGJISLATIVE

Drejt një ligji të ri për procedurat tatore

Ministria e Financës me ndihmën e projektit filloj hartimin e një ligji të ri të unifikuar për procedurat tatore. Ligji i ri për procedurat tatore bazohet në analizën e mangësive të procedurave ekzistuese tatore, krahasuar me praktikat më të mira ndërkombëtare dhe evropiane. Mes të tjera, ligji i ri do të prezantojë një seksion të gjërë mbi të drejtat e tatimpaguesve dhe do të përfshijë masat për të reformuar procesin e apelimit.

Mundësimi i prokurimit elektronik në Shqipëri

Me mbështetjen e projektit, Agjencia e Prokurimit Publik (APP) ka hartuar një paketë rregullash, që janë tepër të rëndësishme për shfrytëzimin e plotë të sistemit të prokurimit elektronik. Këto rregulla bazohen në legjislacionin ekzistues shqiptar, në praktikat më të mira ndërkombëtare e rajonale dhe janë në pajtim të plotë me direktivat e BE. Rregullat për prokurimin elektronik janë duke u shqyrtuar nga ministritë dhe autoritetet kontraktore përkatëse dhe do t'i paraqiten për miratim Këshillit të Ministrave gjatë muajit maj 2007.

Projekt-ligji i ri për QKR shkon në Parlament

Më datë 14 mars Këshilli i Ministrave miratoi projekt-ligjin për QKR, paraqitur nga Ministria e Ekonomisë, Tregtisë dhe Energjisë (METE). Më 26 mars Kryeministri ia paraqiti këtë projekt-ligj Parlamentit. Gjithashtu, Këshilli i Ministrave miratoi edhe ndryshimet e kërkua të ligjet e tjera ekzistuese, që mundësojnë zbatimin e ligjit për QKR. Projekti mbështeti METE-n edhe gjatë hartimit të legjislacionit dytësor, që është i nevojshëm për krijimin e QKR dhe për të zbatuar reformat në regjistrimin e biznesit. Këto 16 dokumenta do të shqyrtohen gjatë javëve në vijim në një proces ndër-ministerial, në mënyrë që të dekretohen nga qeveria menjëherë pas miratimit të ligjit për QKR nga Parlamenti.



METE paraqet para tre komisioneve parlamentare projekt-ligjin e ri për QKR

Të dashur lexues,

Marrëveshja e Pragut të Sfidës së Mijëvjeçarit i ofron vendit tonë mundësi për të forcuar shtetin ligjor, për të rritur liritë ekonomike dhe për të ulur nivelin e korruptionit.

Si rrjedhojë edhe e mbështetjes së gjithanshme dhe cilësore të projektit të Sfidës së Mijëvjeçarit për Shqipërinë, përfundoj projekt-ligji "Për Qendrën Kombëtare të Regjistrimit (QKR)", i cili pritet të miratohet nga Kuventi. Janë përgatitur një numër amendimesh të lidhura me QKR dhe, për herë të parë në përvojën legjislative shqiptare, janë përgatitur paralelisht edhe të gjitha aktet nërligjore përkatëse. I gjithë procesi përgatitor politik dhe ligjor është bazuar në analiza të thelluara, në konsultime të hapura dhe në përfshirjen e sugjerimeve nga grupet e interesit.

Aktualisht, po testojmë sistemmin e TI për QKR, po kompletojmë infrastrukturën e kësaj qendre, si dhe po bëjmë përgatitje për përzgjedhjen dhe trajnimin e stafit të saj. Ligji i ri për QKR specifikon se qendra do t'i hapë dyert deri më 1 shtatorit, 2007.

Qendra Kombëtare e Regjistrimit, si një qendër e ngritur mbi parimin e thjeshtëzimit të procedurave dhe e mbështetur në teknologjinë më moderne, do të lehtësojë biznesin nga zvarritjet, deformimet dhe kostot burokratike të regjistrimit, duke mundësuar që i gjithë procesi i regjistrimit të kryhet brenda një dite, me kosto pothuajse të papërfillshme. QKR do të shërbejë si një partner i përhershëm i biznesit, duke garantuar informacion cilesor e të shpejtë mbi rregullat e licencimit dhe të kryerjes së aktivitetit. Qendra do të ofrojë informacion të plotë dhe on-line për publikun dhe palët e treta, duke siguruar arritjen e standardeve më të avancuara evropiane në këtë fushë.

QKR do të jetë institucioni i parë tërësisht i informatizuar. Ajo do të jetë pjesë e një sistemi modern të qeverisjes elektronike dhe do të kontribuojë në përparimin drejt një shoqërie të informacionit e të dijes.

Jam i bindur se suksese të tilla do t'i hapin rrugën Shqipërisë për pasur mbështetje të mëtejshme në kuadrin e Llogarisë së Sfidës së Mijëvjeçarit, si dhe do të lehtësojnë procesin e integrimit evropian.

**Sinqerisht,
Genc Ruli
Ministër i Ekonomisë,
Tregtisë dhe Energjisë**

Shënim: Ndërkohë që ky butelin po shkonte në shtyp, Parlamenti miratoi ligjin për QKR.

ZHVILLIMI I KAPACITETEVE INSTITUCIONALE

Krijimi Grupeve të Punës për Reformën Tatimore

Komiteti Mbikëqyrës i Projektit për Administratën Tatimore, i krijuar për të udhëhequr dhe monitoruar zbatimin e projektit, për të përfshirë stafin e nivelit të lartë të Drejtorisë së Përgjithshme Tatimore (DPT) dhe për të rritur angazhmin e tyre në zbatimin e reformave, u mblodh dy herë gjatë dy muajve të fundit. Takimet rezultuan në hartimin e planveprimeve të përbashkëta dhe në krijimin e grupeve të punës për deklarimin dhe pagesën elektronike, si dhe përmirësimin e faqes së Internetit të DPT.

Përfundoi Vlerësimi i Nevojave për Trajnim në Fushën e Prokurimit Publik

Gjatë marsit dhe prillit 2007 projekti i Sfidës së Mijëvjeçarit ndërmori një Vlerësim të Nevojave Kombëtare për Trajnim në fushën e prokurimit publik, si një hap i parë në hartimin e master-planit për organizimin e trajnimit të zyrtarëve të prokurimit publik, autoritetetëve kontraktore dhe operatorëve ekonomikë në Shqipëri. Ky vlerësim u bazua në intervista gjysëm të struktuar me zyrtarë prokurimesh, që përfaqësojnë 52 institucione në nivel politik, strategjik, bashkiak, e komunal, si dhe me përfaqësues të Agjencisë së Prokurimit Publik (APP), sistemit gjyqësor, Kontrollit të Lartë të Shtetit dhe të organizmave që ofrojnë trajnime.

QEVERTISJA ELEKTRONIKE


Zyrtarëve të administratës tatimore u prezantohen prototipet e deklarimit elektronik

Më 27 mars ekipi TI i projektit i prezantoi stafit të nivelit të lartë të DPT prototipet e deklarimit dhe pagesës elektronike të taksave. Sistemi do të pilotohet në Degën e Tatimpaguesve të Mëdhenj (DTM) dhe do të bëjë të mundur që tatimpaguesit me qarkullim vjetor më të lartë se 150 milionë lekë, të deklarojnë dhe të paguajnë TVSH online. Hapi tjetër do të jetë krijimi i mundësisë për të deklaruar dhe paguar tatimin mbi fitimit dhe tatimin mbi të ardhurat personale po në këtë mënyrë. Ky shërbim i ri do të reduktojë kostot administrative të tatimpaguesit të biznesit dhe do t'u mundësojë atyre dhe administratës tatimore të marrin informacion të përditësuar e të saktë mbi tatimet e paguara nga këto biznese. Në 1 qershor do të fillojë testimi i deklarimit dhe pagesës elektronike me tatimpaguesit e mëdhenj, me qëllim zbatimin e plotë të këtij sistemi në DTM në vjeshtën e këtij viti.

Testohet platforma e prokurimit elektronik

Gjatë muajit prill u kryen një sërë testesh të plafotmës së prokurimit elektronik. Përfaqësues nga APP dhe autoritetet e përzgjedhura kontraktore në nivel qëndror e lokal morën pjesë në testimin e sistemit të ri të prokurimit elektronik, i cili bazohet në prototipin e prokurimit elektronik të BE. Pas përmirësimeve që do të bëhën mbi bazën e komenteve të marra, brenda 30 qershorit prokurimi elektronik do të testohet në të paktën dy autoritetë kontraktore pilote. Kur të jetë komplektuar, sistemi i prokurimit elektronik do të mundësojë kryerjen e një proces prokurimi të përmirësuar, efikas e transparent në Shqipëri.

Dokumentat e parë të Njoftimeve të Prokurimeve



Për shkak të përmirësimeve në faqen e Internetit të APP që lejojnë qasje falas në dokumentacionin e tenderave për të gjithë bizneset në Shqipëri, numri i vizitorëve në këtë faqe u rrit në mënyrë të konsiderueshme nga janari në mars 2007.

VEPRIMTARI NË MUAJT E ARDHSHËM

Gjatë muajve maj dhe qershor do të organizohen katër tryesa të rrumbullakëta mbi kuadrin e ri ligjor në fushën e prokurimit publik. Këto tryesa të rrumbullakëta do të synojnë komunitetin e biznesit në rajonet jashtë Tiranës.

Fushata informuese publike për ligjin e ri për QKR do të vazhdojë edhe gjatë muajve maj dhe qershor 2007. Fushata do të informojë komunitetin e biznesit dhe publikun e gjerë mbi ligjin e ri dhe përfitimet e shërbimit e reja të QKR.

INFORMIMI I PUBLIKUT



Gratë afariste morën pjesë në një tryezë të rrumbullakëtë mbi kuadrin e ri ligjor të në fushën e prokurimit publik në Shqipëri.

Edukimi i komunitetit të biznesit mbi kuadrin e ri ligjor të prokurimit publik

Gjatë dy muajve të fundit, projekti ka mbështetur APP në organizimin e katër tryezave të rrumbullakëta me pjesëmarrjen e më shumë se 120 përfaqësuesve të komunitetit të biznesit. Në to u dha informacion mbi kuadrin e ri ligjor për prokurimin publik në Shqipëri dhe mbi tiparet e reja të faqes së Internetit të APP (www.app.gov.al) që u lejon bizneseve të shkarkojnë dokumentat e tenderit pa kosto dhe duke ruajtur anonimitetin.

Lançohet diskutimi publik mbi prokurimin elektronik

Në 18 prill Zv.Kryeministri, Z. Gazmend Oketa, dhe Drejtoresha e APP, Znjsha. Klodjana Cankja, udhëhoqën një diskutim mbi ecurinë dhe të ardhmen e prokurimit elektronik në Shqipëri. Anëtarë të Parlamentit, zyrtarë qeveritarë dhe përfaqësues nga autoritetet kontraktore, shoqatat e biznesit dhe donatorët ndërkombëtarë mësuan më shumë mbi përpjekjet për prokurimin elektronik, me mbështetjen e projektit të Sfidës së Mijëvjeçarit për Shqipërinë. Zv.Kryeministri dhe Drejtoresha e APP i ftuan pjesëmarrësit, veçanërisht komunitetin e biznesit, të përfshihen në reformën e prokurimit duke dërguar komentet dhe sugjerimet e tyre pranë APP në këtë adresë: e-procurement@app.gov.al.

Informimi i komunitetit të biznesit mbi projekt-ligjin e ri për QKR

Pas miratimit të draftit të ligjit për QKR nga Këshilli i Ministrave, METE lançoi fushatën për të informuar komunitetin e biznesit mbi projekt-ligjin e ri. Në datën 20 mars u organizua një konferencë për shtyp me praninë e 15 gazetarëve dhe një material informativ mbi QKR u shpërnda në konferencën vjetore mbi reformën regulatore për biznesin në Shqipëri, ku morën pjesë më shumë se 100 pjesëmarrës.

Kur të përfundojë zbatimi i plotë i deklarimit dhe pagesës elektronike të taksave, nuk do të ketë pothuajse asnjë mundësi për keqmenaxhim dhe korruption. Deklaratë e një zyrtari të DPT që mori pjesë në sesionin orinetues mbi deklarimin elektronik të taksave.

Nëse keni pyetje mbi projektin ose dëshironi të abonoheni në këtë butelin, na telefononi ose na shkrushi ne në adresën e mëposhtme:

Marrëveshja Prag e Sfidës së Mijëvjeçarit për Shqipërinë

Zyra e Projektit

Pallati Classic Construction

Tel: +355-4 380-400

Ruga "Pjetër Budi"

Fax: +355-4 380-424

Kati i parë, nr. 10

E-mail: office@mcata.org.al

Tirana, Shqipëri

www.mcata.org.al

KOHËZGJATJA E PROJEKTIT: Shtator 2006 - Shtator 2008